

太上老君說益算神符妙經 卷三

爾時

太上老君與天師真人俱遊禪觀園土碧落界中見諸衆生盡遭橫禍疾病災衰暴厄困苦夭化者多於是真人從座而起上白

太上老君曰如是衆生未審行何科法作何功德可以濟度今生永壽無有災衰

老君曰是諸衆生爲身各有四大之苦不明正道迷感致此天師稽首踊躍請問罪源

老君爲說傷曰

一爲前生不信道 二爲夙世不修行

三爲有身不日向 四爲立身愛諸纏

致使招災及衆禍 疾厄衰病便聯綿

若要扶衰攘災患 無過清齋轉益算

靈符佩帶常擁護 得保長年驅惡緣

老君說是傷已時上元甲子正月七日

老君乘紫雲之車與天師俱往蜀都是月十五日於赤石城敷座說法普濟衆生時有趙昇王長信奉道法詣前長跪乞爲弟子於是

老君命天師召集諸天星官長生司命六甲

將軍天神地祇無缺數衆俱來就坐同議靈音將救衆生各免難時即刻石爲信傳度神符宣說妙經流通世間以爲益算真人於是再拜啓白雖蒙開暗衆生猶未曉了若乃善男子善女人依憑齋戒能遵教法不負師慈未脫諸苦如是毀謗不信之人復與何說令得濟度

老君曰善哉爾心憫諸衆生啓問如是君有世代奉道之者篤敬不渝燒香禮拜轉誦具經即得身心安泰壽算延長福祿增崇日臻至道


老君曰道能覆愛道能育養道能生成道能救護若有命盡之者是道能增一萬二千九百九十九算與道齊堅天地合德萬物滋榮真君下世與弟子長生益算災祟咸寧若有諸連衰危厄難一切苦病之者即命六甲將軍諸天星官四萬八千聖衆俱來救治甲子將軍王文卿遣官一百二十人生弟子其身算萬二千道所護人身爲除百病甲戌將軍展子江遣官一百二十人定弟子其心算萬

二千道所護人身爲除魔威甲申將軍危文長遣官一百二十人添弟子其祿算萬二千道所護人身爲除虛耗甲午將軍衛上卿遣官一百二十人爲添弟子其福算萬二千道所護人身爲除橫害甲辰將軍孟非卿遣官一百二十人保弟子其財算萬二千道所護人身令無衰損甲寅將軍明文章遣官一百二十人永弟子其壽算萬二千道所護人身令無夭折

老君曰六百甲子三元道泰君萬生益算君大慈曜明等三千五百真人一時下降救護人身得延萬歲昇入正真

爾時諸天星宿大聖爲絕冤讎

北斗貪狼星君主祛惡氣



北斗巨門星君主祛伏屍


北斗綠存星君主祛百鬼




北斗文曲星君主祛惡夢




北斗廉貞星君主祛口舌



北斗武曲星君主祛官事



北斗破軍星君主祛虛耗



北斗左輔星君主人命算
北斗右弼星君主人身形
三台星君共增祿壽令無禍殃



第一惡星第二良星第三辟星第四凌惑星
第五危星是諸眾星尊神各為弟子兼消災
度難辟除天下疫氣疾病姦媾始妬妨害之
鬼各令速去千里萬里之外急急如
太上神符律令



老君曰吾今宜傳妙經廣說道法以符救人
佩帶之者當須精動心常敬信無不安寧千
災萬禍俱時消化行藏動靜善瑞日臻所求
所願皆得遂心於是天師受得妙法而作頌
曰

神符神符 泄自太無 生天地 與道卷舒
佩奉之者 厄難消除 得成真道 身昇玄都
天師說是頌畢與弟子趙昇王長稽首奉辭
而退

太上老君說益算神符妙經